

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلق
(۱۳۰) غروشدر.

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یازیلر اعاده اولوغاز .

تشریح

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۸۱

۳۰ صفر ۱۳۳۷

پنجشنبه

۵ تشرین ثانی ۱۳۳۴

جلد ۱۵

خلاصه : اسلام و عثمانی تاریخچه معروض قالدیغمز بر چوق
فلا کتار هنرم و اراده نك ، چالیشانك سایه سنده ازاله ایدیلش ، بو
دولت و بو اسلام مملکتی بر چوق اوچور و ملرن قورتولشدر .
دولتمزك اقبال و سعادت کونشی دفعاتله باطریق اوزره ایکن ، الله
عظیم الشان اونی یکیدن پارلامش ، مسلمانلری تولدورمه مشدر .
بناءً علیه (یأس کفر در) اعتقادنده بولونارق ، هنرمکاره اراده لی ،
خلوق اولمای دینك مقتضیاتندن بیلن هر مسلمانك صوك فلا کتار
قارشینده مایوس و بدین اولماسی دکل ، بونلردن عبرت آلارق وار
قوتیله چالیشماسی ، بالخاصه شو صیراده (بیرلیک) دن قطعاً آیریلماسی
و اولور اولماز شایع لر قارشینده حسیاتیه دکل ، محاکماتیه حرکت
ایتمه سی لازم و بو لزومه دقت اولوندینی صورتده بزمده اسکی مجد
و شوکتمزه عون حقله یکیدن قاووشماضر مقدر در .

شئون

الجزیره عشیرتلینك صداقتی

رأس العیندن الجزیره عشایر و عربانی نامنه جبور مشایخندن
محمد السلطان امضاسیله حکومت سنییه رأس العیندن آتیده کی تلغرافنامه
کشیده ایدلشدر :

الجزیره قطعه سنك شماندن جنوب فرات وادیسنه قدر جریان
ایدن حابور نهری وادیسنده کی جبور و اونلره ماحق جریان و پکاره
عشائر لری و زور سنجاغیله دیاربکر و موصل و لایترینه مربوط جبور
عشایری طرف عاجزی به عائد اولوب بونلردن خارج قالان عشائر
بزمه هم فکر و یکو وجود بولونیور . بو عشیرت لر یدییوز سنه دن زیاده
دولت علیه عثمانیه نك نان و نعمتیله پرورده اولدقلری جهته عثمانی
حکومتدن غیری بر قوم و ملتله برلک لری غیر قابل و محاذیر عیدیه بی
داعیدر . بناءً علیه بویه بر حال وقوعنده استقباللری ظلمت ایچنده
قاله جنی امثال لریله ثابت اولدیفندن شمیدین استقباللرینك تأمین ایدلمسی
ایچون ایجاب ایدن مقاماته عرض اولنق احتیاجی حسن ایدلدیکی
تقدیرده تشبثات لازمه ده بولنق اوزره هر بان نامنه کمال تمنا کله اراده
جاییله لری منتظر در .

مملکتی محافظه خصوصنده هیچ بر قوت کوسترمه یورلردی . ایشته
بو صیراده ، یعنی بشنچی ، آلتنجی ، یدنجی عصر لردی میلونلرجه
اهل صلیب اسلام دیارینی چیکنه یه رک ، (آطنه بی ، اورفنی ،
حلبی ، شامی ، قدسی) کاملاً ضبط ایده رک ، قدسده بر (قراللق) ،
اورفنده بر (دوقه لقی) تشکیل و دیگر لرلی قدس قرالیغنه مالکانه
اولارق الحاق ایتدیلر . فقط جناب حق بر (صلاح الدین ایوبی)
میدانه جیقارارق ، بونک غیرتی و حماسی ایله اهل صلیبه بر مقابله
قدرتی یارامش ، اونلری قاجیرمایه ، قدس قرالی (کوئی دولوزینیان) ی
أسیر آلمایه مسلمانلری موفق بویورمشدر . کذلک اخلافی ده مصری
ضبط ایده رک ، تکرار قدسی قورتارمق ایستین فرانسه قرالی متمصب
(طقوزنجی لونی) بی منصورده أسیر ایتمیه ، اوچ عصر محاربه
سوکنده صلیبیونی مملکتلرینه آلی بوش کونده رمیه موفق اولدیلر .
عثمانی تاریخچه ده بویه مهم مثاللرله دولودر . أز جمله (انقره)
محاربه سندن صو کرا (نیورلنک) ؛ (مراد خداوندکارک) ک ،
(بیلدیریم بازید) ک قالدیردینی . بکلک لری تکرار احیا ایتمشدی .
بونلرک شپار قققلری آتاسنده بش شهزاده مملکتک چشیدلی برلرنده
بربر لریله چاریشیور ، (بیزانس) ایمپراطور لری ده ایشه قاریشه رق ،
بکلرله برلکده شهزاده لری بربرینه قارشى حرب ایتدیریور ،
عثمانی حکومتک ییقیلماسنه یاردم ایتمک ایسته یورلردی . تام اون
بر سنه سورهن شهزادگان غائله سی مملکتی پک ضعیف براقشدی .
فقط یته قوجا اللهک لطنی ایله مقدر ، هنرمکاره بدینلکدن آزاده
واراده لی پادشاه (چای سلطان محمد) بش سنه ایچنده بیلدیریم
سلطنتک سونن قدرت و عظمت نورینی یکیدن پارلاتمایه موفق
اولو ویردی ! کذا عزم و اراده سنه ضعیفی ، ملایملکی غلبه ایدن
بازید ولینک رنکسز زمان سلطنتی قوجه (فاتح) ک پارلاق دورینی
حسرتله آراتدینی کی ، پادشاهلنی زماننده (اسماعیل صفوی) نك
غوزدی ممالک عثمانیه بی استیلا ایتمیه باشلامشدی . صاف بازید ولی
بونلردن خبرسز ، زهدیله ، تقوا سیله مشغول اولورکن اداره امور
پک فنا آلرده ایدی . اولاد لری آراسنده سلطنتی علیه نه قیام
چیقماسنه مانع اولامادی ؛ حیاتی قهر عذاب ایچنده کجیدی . فقط
درت شهزاده یسنه مملکتی مجادله لر یله خرابه زاره جه ویریرکن ،
هپسنه غلبه ایدن جوانمرد ، تدیرلی ، قوتلی (یاووز) پادشاه ؛
بیلدیریم و فاتح دورلرینی کولکده بیراقدی .

کذاروسیه حکومتی (خسته آدم) دیدیکی عثمانی حکومتی
دفن ایتمک حاضر لغنی بابوب ، جهانی علیهمزه صالدرمایه چالیشیرکن
(مصطفی رشید پاشا) و آرقاداشلری اوروپاده سیاحتلر یاپارق لهمزه
قازاندینی کی ، (سیواستپول) سفریله روسیه نك بلینه بویوک برضربه
ایندیرمه به و عثمانی حکومتی اوروپا هیئت دولیه سی آراسنه صوقایه
موفق اولمشدی .